



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetii, 1706**

Erectionis novæ Parochiæ per dismembrationem Form. III.

---

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

quartum, & in Cremonen. 20. Decembri 1692.

5. In quarum causarum secunda proposito Dubio -- *An Parochus celebrare teneatur, & Sacrificium applicare pro Parochianis in diebus Dominicis, & Festis sive habeat conguam, sive non?* responsum fuit -- Dentur Decreta: Quae referuntur à Nicol. in flosc. verb. Parochus num. 34. & à Fagnan. in cap. Fraternitatem n. 94. & 95. de Sepultur.

6. In tertia, in qua recursum habuit Archipresbyter Rofarni à Decreto Episcopi, quo adstringebatur ad applicandum Sacrificium pro populo in omnibus Dominicis, & Festis diebus, & partibus informantibus propositum fuit Dubium *An Decretum Episcopi super applicatione Sacrificii pro populo omnibus Dominicis, & Festis diebus sit observandum?* responsum fuit -- Affirmative. Unde caveant Parochi à sententiis, & opinionibus hujusmodi Probabilissimarum.

7. IN EADEM ECCLESIA PAROCHIANOS MATRIMONIO CONJUNGERE. Matrimonia per verba de praesenti, juxta monitum Concili. Trid. sess. 24. de reform. Matr. cap. 1. fieri debent in Ecclesia, si non de necessitate praecetti, saltem de honestate, ut dixit Rot. coram Coccin. decis. 1887. n. 37. Unde quamvis plures Autores, quos refert, & sequitur Barbos. in dict. cap. 1. nu. 35. firment, quod Episcopus non posset prohibere, ne Matrimonia Domi celebrentur, sed tantum hortari, ut in Ecclesia fiant: Nihilominus in praxi contrarium semper tenui; Quia cum Ecclesia sit proprius locus Sacramentorum, & maximè deceat in ipsa ministrari, laudandi sunt Episcopi, qui id prohibit fieri sine eorum licentia extra illam, sequendo vestigia Divi Caroli in Concil. Mediol. 2. tit. 1. Decret. 28. & est laudabilis usus, vel praxis Urbis, nam Card. Vicarius, nec etiam Principibus, & Magnatibus hujusmodi licentiam concedere solet.

8. Etenim si Nicol. lucubr. Civil. lib. 1. tit. 10. de nupt. num. 60. vers. ultimo, & Bis. in Hierug. litt. M. nu. 108. §. 16. non dubitant affirmare, quod, si Parochus praecetto Episcopi non pareret, sed sine

licentia Domi Matrimonium celebraret, mortaliter peccaret, evidens est, quod licet, & laudabiliter valet Episcopus prohibere, ne Matrimonia sine licentia extra Ecclesiam celebrentur: Alias non peccaret Parochus, si praecptum esset injustum, juxta opinionem Barbosae, & sequacium; Cum non valet ad observantiam praecetti injusti subditum cogere, cap. Si Episcopus quis forte 11. q. 3. & bene hoc probat Bis. supra allegatus. Nec curandum de Antonello de loco legal.lib. 1. cap. 7. num. 3. quia iste Author cæca fide Barbosae sequutus, cæteris auctoritatibus per eum allegatis, nil prorsus de prohibitione Episcopi agentibus, vacuus remanet.

9. PER NOS, ET EXAMINATORES SYNODALES. Quamvis agatur de provisione Parochiae de novo eræta, in qua forma concursus adhibenda non est, & pro prima vice confert libere Episcopus, Pac. Jord. lucubr. tom. 2. lib. 10. tit. 7. num. 102. Adhuc super idoneitate, seu approbatione personæ provisæ examen faciendum erit per Episcopum unâ cum Examinateoribus Synodalibus, ut advertit. Card. de Luc. de Paroch. disc. 37. num. 51.

#### Erectiones novæ Parochiæ per dismembrationem.

#### FORMULA III.

#### S U M M A R I U M .

- 1 Causa legitima dismembrationis est periculum Animarum.
- 2 Distantia Ecclesiæ Parochialis, quando sit causa justa dismembrationis, vel non? num. 3. 4. 5. 6. & 7.
- 3 Causa justa dismembrationis non probatur assertione Episcopi, sed ea debet in Actis constare.
- 4 In dismembratione Ecclesiæ Parochialis vocandus est Rector, & alii interesse habentes; alias nulliter agitur.
- 5 In dismembratione Parochiæ exigitur Capituli consensus.
- 6 Abundantia, reddituum Ecclesia Matricis

tricis est causa sufficiens dismembrationis.

Redditus non dismembrantur, si Rector præter congruum parum haberet, sed coguntur Parochiani, quorum intuitu fit dismembratio, ad providendum novum Parochium de viatu. ibi.

12 Ecclesia Matrix, si in dismembratione passa fuit diminutionem reddituum, efficitur Patrona novæ Ecclesie.

13 Ecclesia Matrici, quæ passa fuit dismembrationem, reservatur honor arbitrio Episcopi.

Accedere ex obligatione ad aliquem locum, est species subjectionis, ibid. & num. 14.

15 Decima, nisi in dismembratione explicitè assignenur, non censentur translatæ, præter personales, & sacramentales.

**E**A quæ Animarum pericula submovent, & populo Nobis credito levamina præbent, sedulò amplectentes, supplicationibus hominum loci N. inclinati, quibus dolentes Nobis exposuerunt, quod cum ipsi sub Parochia Sancti N. loci N. existant, ob distantiam, acetiam impedimentum fluminis N. quod Parochiam dividit, & rapidè decurrit, præsertim tempore hyemali, necnon asperam, cœnosamque viam, non possint, præsertim senes, pueri, ac debiles, absque maxima difficultate, & periculo, ad illam, pro Divinis Officiis audiendis, & percipiendis Sacramentis, accedere, quodque perspè sine illis quamplures ex hac vita discesserint, & Rector dictæ Parochialis S. N. consentire noluerit, quod alius Sacerdos ipsis incolis in Capella, seu Ecclesia Sancti N. ibidem construeta, & de suppelætilibus sacris decenter provisa, Missam diebus Festis celebret, & Sacra menta in casu necessitatis ministret; ad dismembrationem, & erectionem respectivè novæ Parochiæ, prout ipsi postularunt, procedere statuimus. Idcirco facta per Vicarium nostrum Generalem de mandato nostro diligentè super expositis inquisitione, ac desuper construendo, citato, & auditio d. Rectore, processu, de quo in actis, illiisque plenè per Testium depositiones, aliisque legitimis probationibus concludenter verificatis, dictum locum N. cum Ecclesia Sancti N. hominibus, incolis, & familiis, à Parochiali Ecclesia loci N. auctoritate ordinaria, & à Sac. Concil. Trid. cap. 4. sess. 21. de Reform. delegata, separamus, dividimus, & dismembramus, & dictam Ecclesiam S. N. cum suo loco, & districtu à... usque ad.... acceptante etiam consensu nostri Capituli, in Parochiale Ecclesiam erigimus, & constituimus, dantes, & concedentes incolis, & habitatoribus dicti loci, & districtus plenam, & liberam potestatem in dicta Parochiali Ecclesia, Sepulturas, Cœmeterium, Fontem baptisinalem, Campanile, Campanas, & alia insignia Parochialitatis construendi, & retinendi.

Pro exercitio autem Curæ in populum, & utriusque sexus fideles in dicto loco, & districtu habitantes, dilectum Nobis in Christo Presbyterum N. ( qui populo, & Ecclesiæ prædictis in Divinis, & Animarum Cura regenda præsit ) tamquam habilem, & idoneum, ab examineribus Synodalibus examinatum, & approbatum præficiimus, & deputamus, illique administrationem omnium Sacramentorum Ecclesiæ committimus, & de Ecclesia Parochiali sic noviter ereta providemus.

Volentes, & mandantes Rectori dictæ Ecclesiæ Parochialis S. N. Matricis, & aliis pro tempore existentibus, quatenus de cætero singulis annis in Festivitatibus Nativitatis D. N. Jesu Christi, & Sancti Jo: Baptiste de universis fructibus Decimalibus, & aliorum bonorum, quos ipse intra, & extra limites dictæ Ecclesiæ Matricis abundantanter percipit, scuta..... dicto N., & suis in dicta Eccle-

Ecclesia Parochiali per Nos erēta Curatis successoribus in duabus æqualibus ratis, nec non tempore messis salmas . . . frumenti, & tempore vindemiarum cados . . . vini, liberè persolvat, & tradat respectivè. Quam pecuniae, & frumentum quantitatem, & ratas ex redditibus Ecclesiae Matricis percipiendas, una cum eleemosinis, & oblationibus universis pro ipsius novi Curati, & successorum sustentatione, onerum supportatione, & congrua taxamus, & assignamus.

*Reservantes* Rectori præfatæ Ecclesiae Matricis N. illiusque successoribus (ex quo redditum suorum dismembrationem patitur) jus personam idoneam infra terminum à jure statutum toties per cessum, vel decessum vacare contigerit, in dicta Parochiali Ecclesia N. à Nobis, vel successoribus nostri instituendam, præsentandi.

Prætereà, ut dictæ Ecclesiae Matrici debitus honor servetur, & exhibeat, volumus, quod singulis annis in festo N. dictus novus Curatus, suique successores unà cum in colis Parochianis processionaliter ad eam accedat, & ad Altare Majus unum cereum cereæ elaborate librarum . . . in signum recognitionis offerat. Et ita Auctoritate qua supra dismembramus, erigimus, asfignamus, & reservamus omni &c. Datum hac die &c.

N. Episcopus N.

Lectum, latum, & publicatum fuit supradictum Decretum dismembrationis, & erectionis respectivè, die . . . in Aula . . . præsentibus N. N. Testibus &c.

N. Cancellarius Episcopalis.

#### ADNOTATIONES.

1. **A N I M A R U M P E R I C U L A.** Justa causa dismembrationis regulariter reputatur illa, quæ implicant periculum Animarum, cui alia ratione prospici, & occurri non potest. *Lotter. de re Benef. lib. 1. cap. 28. nu. 2. & seqq.*

2. **O B D I S T A N T I A M.** Ut plurimum damnum spirituale Parochianorum oritur ob distantiam, asperitatem, & incommoditatem itineris, qua impediuntur, præsertim tempore hyemali, ut nec ipsi ad Ecclesiam Parochiale, nec Parochus respectivè ad illos occasione infirmitatis pro administratione Sacramentorum sine periculo, aut magno incommodo non valeant accedere; & his circumstantiis concurrentibus, Episcopus vigore *Concil. sess. 21. de reform. cap. 4.* innovata dispositione cap. *Ad audientiam de Eccles. ædific. sollet, immò debet ad dismembrationem procedere, & novam Parochiam, vel*

fi magis expedire dijudicet, Vicariam perpetuam erigere, *Nicol. in fosc. verb. Parochus.*

3. **SINE ILLIS.** Ob numerositatem populi, Episcopus cogit Rectorem ad assumendum Coadjutorem in exercitio Curæ: At ob distantiam loci, etiam invito Rectore, quamvis exempto, ad dismembrationem potest devenire, absque eo quod teneatur expectare, quod aliqui ex Parochianis decadent sine Sacramentis, ut probant decisiones Rotæ, quas expedit *Graz. de Benef. part. 12. cap. 4. num. 9. & seqq. & sequitur Pac. Jord. lucubr. tom. 2. lib. 10. tit. 31. nu. 6.* Nihilominus si de hoc in Processu constaret, provisio Episcopi esset innixa firmiori fundamento, *Rot. decis. 32. num. 2. & decis. 34. num. 6. post Tambur. de jur. Abb.*

4. **C O N S E N T I R E N O L U E R I T.** Etenim si in loco adesset Oratorium, vel Ecclesia publica, in qua Parochus per suum Coadjutorem vellet Missas diebus Festis celebrare, & Sacramenta

Poeni-

Pœnitentiaæ, & Eucharistiæ administrari facere, tunc Episcopus à dismembratione, quæ dicitur species alienationis abstinere potius deberet, quam illam ad effectum perducere, quia tali casu dicitur consultum Parochianis à Matrice distantibus, ex animadversis à Ric. prax For. Eccles. resol. 486. num. 6. vers. Limitatur part. r. & à Card. de Luca annot. ad Concil. disc. 16. num. 2. & Paroch. disc. 34. per tot.

5. Ut enim unitas Parochialis non dividatur, jurisdictionis Territorialis non fecetur, & redditus illius diminutionem non patientur, non de facilis deveniendum est ad dismembrationem, sed justis de causis (quas enumerant Barbos. *supra Concil. d. cap. 4.* & Corrad. *prax. Benef. lib. 3. c. 2. n. 5.* & seqq.) bene perpensis Episcopus consensum præbeat.

6. Verum tamen est, quod cum frequenter ad formalem dismembrationem soleat devenir, quando Parochianorum pars, vel Communitas, quæ id petit ob distantiam loci, & magnam incommunitatem itineris, congruè dotat Novam Parochian erigendam, ut observat. Card. de Luc. *de Decim. disc. 12. n. 8.* & tunc oblatio Cappellani, seu Coadjutoris pro administratione Sacramentorum diebus Ffestis per Rectorem facta ad evitandam dismembrationem, non est sufficiens ad retardandam novæ Parochiæ erectionem, sed ad illam justè proceditur, ea non obstante, ut declaravit Sac. Congr. Concilii in Januen. 16. Januar. 1694. quod est contra opinionem Rotæ in Oveden. de anno 1681. quæ decisio allegabatur in dicta Causa Januen. favore Matricis.

7. PROUT IPSI POSTULANT. Licet Episcopus vigore citati *cap. 4. sess. 21. de Reform.* possit, & debeat ex officio quotiescumque expediens judicaverit novas Parochias erigere: Attamen quia ut plurimum hoc fiat ad petitionem incolarum, ut ponderat Card. de Luc. *dido disc. 10. de Decim.* ideoque hæc circumstantia exprimitur in formula, juxta praxim Corrad. *lib. 3. cap. 2. num. 9.*

8. CONCLUIDENTER VERIFICATIS. Ad probandam justam causam dismembrationis, non suf-

ficit assertio Episcopi, sed debet de ea in Actis per legitimas probationes constare, Rot. coram Seraph. *decis. 1062. num. 1.* & coram Ottob. *decis. 6.* Card. de Luc. *de Benef. disc. 45.* & *de Paroch. disc. 35.* utroque num. 6.

9. CITATO, ET AUDITO RECTOR E. Citatio, & vocatio Rectoris Ecclesiæ Matricis, aut illius Defensoris deputata, quatenus esset vacans, in dismembratione facienda, est omnino necessaria, alias etiamsi concurrerent justæ causæ, & requisita pro illa obtainenda, adhuc nulliter esset facta, si sine hac solemnitate fieret, Garz. *de Benef. part. 12. cap. 3. num. 3.* & seqq. Nicol. *lucub. Can. lib. 3. cap. 48. de Eccles. ædific. num. 1. vers.* Non verò Corrad. *prax. ubi suprà.* Sicuti vocandi quoque essent cæteri interesse habentes, quando Episcopus vellet novæ Ecclesiæ Parochiali unire Beneficia; & qui sint, habes apud Barb. *supra Concil. sess. 8. de refor. c. 6. n. 19. cum seq.*

10. ACCEDENTE CONSENSU ETIAM NOSTRI CAPITULI. Quod in dismembratione exigatur consensus Capituli. Cathedralis, præsertim Parochiæ non exemptæ, tenet Pac. Jord. *lucubr. tom. 2. lib. 10. tit. 30. nnn. 2.* Piafec. *prax. Episc. part. 2. cap. 5. art. 3. n. 89.* Fagnan. *in cap. Ad Audientiam nu. 54. de Eccle. ædific.* Quando tamen absolute non admittit Garz. *de Benef. part. 12. cap. 3. n. 11.* & 12. ubi conclusionem ait procedere, quando agitur de dismembratione Ecclesiæ inferioris, & Episcopus est Author dismembrationis, non autem quando Episcopus non est Author sed Rector Ecclesiæ non habentis Collegium, quia tunc sufficere solam auctoritatem Episcopi putat.

11. ABUNDANTE PER CIPIT. Abbundantia reddituum dicitur causa sufficiens dismembrationi, juxta *decis. Seraphini. 428.* Sicuti enim quando Parochia est numerosa, & pinguis, debet Parochus Coadjutori sibi dato mercedem solvere, Nicol. *in flosc. verb. Cura num. 7.* ita quando juridica fit dismembratio, debet diminutionem fructum pati. Si verò Ecclesia Matrix bonis non abundaret, & Rector præter congruam nihil, aut parum haberet, non.

non posset Episcopus ex ea aliquam partem fructuum, seu bonorum dismembrare sed Parochiani, quorum intuitu nova Parochia, sive Vicaria perpetua erigitur compellendi essent ad providendum Parochum, seu Vicarium de vietu, ad formam litteralis dispositionis *dicitur cap. 4. sess. 21. de Reform.* ubi Barbos. num. 15. Belllett. *disq. Cleric. par. 1. §. 14. de Cler. debit.* num. 7. & tribus seqq. Gallemart. *suprà dicto cap. 4. num. 7.* ubi ex doctrina Host. quam reasumit etiam Abb. in *cap. Ad audientiam num. 7. de Eccles. ædific.* firmat, quod, si Parochiani ob paupertatem alimenta Curato assignare non possent; Episcopus teneretur dare de suo.

**12 RESERVANTES.** Ecclesia Matrix, quæ passa fuit dismembrationem, & de suo contulit pro sustentatione Rectoris novæ Parochiæ, acquirit Juspatronatus, juxta dispositionem Text. *dicitur c. Ad audientiam*, ubi Glos. de Eccles. ædific. Garz. de Benef. part. 5. cap. 9. num. 57. Barbos. *suprà dicto cap. 4. sess. 21. mu. 13.* Fagnan. in *dicto cap. Ad audientiam num. 35. & 38.* ubi quod, si adesset, qui novam Ecclesiam Parochiale fundasset, efficeretur Compatronus unà cum Rectore Matricis.

**13 DEBITUS HONOR.** Præter Juspatronatus, debet in dismembratione reservari Ecclesiæ Matrici debitus honor ad formam præscriptam in sæpè citato *cap. Ad audientiam de Eccles. ædific.* in signum recognitionis, puta quod illi solvatur census annuus moderate arbitrio Episcopi taxandus, vel quod reservetur sepultura, vel celebratio Missæ solemnis cantandæ in Ecclesia noviter erecta à Rectore Matricis in die Sancti Titularis, aut in aliqua ex solemnioribus anni Festivitatibus, vel demum quod Curatus novæ Parochiæ, & illius successores una cum Parochianis semel in anno pcessionaliter v. g. in die Corporis Christi, accedant ad Ecclesiam Matricem, & cereum offerant, & hæc reservatio forte est aliarum magis propria, cum accedere ad aliquem locum sit species subjectionis, Rot. coram Seraphin. *decis. 15. num. 3.*

**14** Quem autem ex his honoris signis debeat impendere Ecclesia filialis erga Matricem, prudentiæ Episcopi in dis-

membreatione facienda relinquitur, qui perennis loci, Ecclesiæ, Rectoris, distantiæ, incolarum facultatibus, moribus, qualitatibus, & congruentiis, unum ex recensitis reservabit, ut monet Glos. in *dicto cap. Ad audientiam in verbo honor,* nulla habita prorsus consideratione ad expesum in formula, quia tantum pro exemplo reponitur.

**15** Item varianda erit formula juxta facti variationem, si per unionem Beneficiorum, aut per alicujus Fundatoris liberalitatem, aliòmodo de congrua novo Rectori provideretur, hoc unum advertendo, quod Decimæ Prædiales, nisi in dismembratione ab Episcopo explicitè assignentur pro sustentatione novi Curati, non censerentur in eum translata, neque pro rata, sed remanerent integraliter Rectori Matricis, ex quo Decimæ solent dari in defectum aliorum reddituum, & est in arbitrio Episcopi, sive de Decimis, sive aliis fructibus prvidere, prout explosis antiquorum sententiis, per Text. *Concilii cap. 4. sess. 21. de reform.* latè probat Fagnan. in *cap. Cum contingat. de Decim. à num. 31 usque ad 51.* Decimæ verò personales, seu sacramentales transeunt ipso jure in Curatum, & Parochiale noviter erectam, Fagnan. *ibid. num. 52.*

### Erectionis Canoniciatus.

#### FORMULA IV.

#### SUMMARIUM.

- 1 Capitulum Canonicorum non potest remittere residentiam, neque servitum condonare, non obstante consuetudine, sive Ecclesiæ statuto.
- 2 Canonici non possunt exire à Choro, nisi petita venia ab Archidiacono, sive Præsidenti sub pena punctionis.
- 3 Canonici non interessentes concioni tempore Quadragesimæ possunt punitari.
- 4 Canonici absentes à Choro non debent puni-